



1. august 2023

UKA 2023/135

Inatsisartut Suleriaasianni § 36 naapertorlugu apeqquteqaat aallaavigalugu siunnersuut imaattoq matumuuna saqqummiuppara:

Nunatsinni nammineq immiorneq inerteqqutaajunnaarsinneqarluni immiassanillu eqqussisoqarsinnaalerneratigut inuiaqatigiinni qanoq sunniuteqarsinnaanera pillugu apeqquteqaat aallaavigalugu oqallisissiasatut siunnersuut.

(Atassutip Inatsisartuni ilaasortaaitai)

Killilersuineq aqputigalugu maani nunatsinni aqutsiniarneq ileqqorivarput. Imigassaappat, ikiaroomartuuppat allarpasuillu eqqarsaatigalugit qulaaniit inerteqqusersuinerujussuaq atugaraarput. Inuiaqatigiit kalaallit imminnut tatigisut nammineerusuttullu qulaaniit inernerneqartuarlutillu killilersorneqarpallaarpata aqputissaq ila sulii annertungaarpoq.

Eqqarsartariaatsitsinni inuk kiffaangissusilik namminiussusilik imminut pilersorlunilu napatissinnaasutut isiginnittariaaseqalerutta inuit nammineq akisussaassuseqarnertik pisussaaffeqarnertillu atuleriartussagaluarpata, qulaaniillu politikkerinik pisortanillu isumalluuteqarnerujussuaq utaqqiinnartunngorsimanerlu katakkiartuaalersinnaassagaluarpaput.

Uanilu apeqquteqaat aallaavigalugu toqqaannartumik nammineq immiorsinnaanermut kiisalu immiassanik eqqussisinnaanissamut tunngasoq assersuutigivarput. Uanimi oqallinnermi partiit politikkerillu ataasiakkaat innuttaasunik nunaqqatitsinnik qanoq tatiginninneq isikkoqarnersoq ersarissarsinnaagatsigu. Uagummi Atassummiit inuiaqatigiit nammineersinnaasut imminnullu paarilluartut tatigivagut. Tatiginninnerlu nammineerneruleriartornissamut aqputissaasorivarput.

Ulluinnarnimi nioqputissat atorlugit immiorniartoqartillugu iluamik suliarineqarsimanngippat ulorianartunngorsinnaasarpoq allaallu tappingissutaasinnaasarluni¹. Immiassanillu pisisoqarsinnaalerpat iluameernerusumik uloriananginnerusumillu immiaaqqanik viinninik allanillu sanasoqarsinnaalissalluni, minnerunngitsumillu inerteqqutaanngitsumik akitsuutikkut nunatta karsianut iluaqutaasinnaalluni.

¹ https://www.banyantreatmentcenter.com/2022/05/17/moonshine-blindness-myth-or-fact-chicago/?fbclid=IwAR3jQK7XiOnx0pub4dKDxhU_hiH43ajZvcS_V1yXbR1eGhjJ3G40FDWfcm0